

續修鎮番縣志

卷五卷八

日

地. 180. 123  
41  
13



# 學校全圖


鎮番縣志

卷之五



圖式

一

## 文廟圖



儒學圖




# 本城高等學校圖

續修鎮番縣志

## 本城高等學校圖


勸學所



大門



西鄉龍王廟高等學校圖




運動場





門大

植物業園



蔡旗堡高等學校圖



三渠高等學校圖

四

教室

教室

房門

門

教員室

辦公室

學

生

室

飯室

厨室

所厠

所 厠

體操場

室厨

室

教

室

長

校


模範學校

室員教

室

生

厨



續修鎮番縣志

五

續修鎮番縣志



續修鎮番縣志卷之五

學校

邦傑邦彥首重人才國粹國魂端賴宗教亘古今統中外凡欲人民程度進於文明政治潮流趨於優勝無不以學校為基礎亦無不以完全教育為學校之競爭邑自有明迄清經兩朝之栽培振興修文廟建學署設書院立義學宮牆美富典禮輝煌固已濬功名之淵藪闢教化之津梁而數百年來雄奇瑰異之材飛騰發越或奮翼風雲或蜚聲翰墨本經術以蔚

續修鎮番縣志

卷五

學校考

一

為文章開化最早而得人亦最盛方今科學萌芽雖較科舉時代俊髦譽士未甚發現然使熱心提倡合社會公產與固有資本雙方並進作學務上經濟之源泉而復於高等學校外推廣簡易幼穉蒙養單級諸課程以徧謀普及人人有自強思想斯人人有尚武精神今日學童縱屬雌伏而他年英傑終必雄飛吸收外國之菁華啣接先民之矩矱體用兼賅華實並茂安見青年學子進步改良人文之盛今不異於古所云

學校考

廟制

文廟自明創建至清嘉慶十八年其間或增置或改造繼續興修固已數見不鮮矣厥後道光十五年馬起鳳謝集梧諸人因文昌閣殘缺商同邑令馮侍稷遂併聖廟全局募貲重修邑人曹秀彥有記咸豐十一年曹秀彥傅培峰盧寶倫等會集官紳勸捐士庶募貲興工添置樂器重修殿宇彩飾門窗並內外墻垣均經一律增新完固光緒二十年邑令黃銘鼎鑿

續修鎮番縣志

卷五

學校考

二

取照壁九孔鑲作月窗以透空氣無非培文勵士之意遂飭令學紳悉將廟內墻垣補修完善民國五年邑令周樹清謁聖廟見殿宇傾圮久將廢墜遂捐廉俸將文廟文昌閣之殘磚斷瓦露柱頽垣逐件改作從新豎築不數月塗墍丹雘無不完全壯麗以臻富美焉

重修文昌閣記

邑人曹秀彥

孔子為萬世師殿宇遍天下矣而祀孔者既兼祀文昌文昌為列星主桂籍也吾邑文昌閣在大成殿後

建於有明成化間舊制臺高八尺樓二層周繚以垣亦鉅觀也年遠傾圮議修未果玉門揚鱣三先生司鐸吾邑謀於稼堂馮邑侯董勸士庶捐貲重修撤其舊而擴大之越歲告成以貲之尚有贏也由聖殿而兩廡而戟門而泮池而櫺星及階陛戶牖次第整肅華不侈質不陋一仍前人之遺夫有聖殿而後有文昌因建閣而重新聖廟此舉可謂知本矣然誰之力哉維時督率則為稼堂馮邑侯考亭鄭邑侯文貽徐邑侯總修則為舉人馬起鳳謝集梧與秀三人督理

則為增生李受乾武生毛健翎監生李世潤趙玉燕  
闔學紳士均有力焉工既竣因書諸石以告來者

重修聖廟記

邑人盧殿元

當學術競爭之日處文明進化之場非尊先師無以保宗教非整黌序亦無以萃人心吾邑文廟自明成化己未歲創建數百年來或增置或改造或重修在昔先民固已竭力經營有其舉之莫敢或廢至科舉停而學制一變沮力橫生人將廢學加之民國紀元適因過渡時代丁祀暫停一時士儒譁譟且疑尼山

一派斷絕統系遂舉從前最壯麗最富美之宮牆一任風雨漂搖無人過問入宮門而左右顧廢址頽垣蓋有不勝悽愴者焉五年邑令周君樹清下車伊始即以敬教勸學為維一宗旨躬親謁廟見夫聖廟傾圮久將廢墜且深慮學說龐雜既挾入主出奴非楊則墨之見各樹異幟以相攻而科學萌芽又在幼稚時代若不急起整理肅觀瞻以端趨向非惟異端紛起將來於教育前途大有妨碍而師道不見尊嚴即欲人羣進化風俗改良恐亦無所根據而占其優勝

乃慨捐廉俸一千二百緡委令邑人李慶元盧蔭棠等督理其事先行補造禮樂祭器更新從祀牌位六年興工先由文昌閣自大成殿並兩廡以及名宦鄉賢泮池圍橋內外各坊門凡階級臺墀戶扉垣牖棟梁殿宇之傾墜坎陷者腐朽與破壞者偕舉各工塗鏤繪畫扶之植之補之建之改造而更張之踵事增華無不燦然重光以臻完全效果是役也經始於仲春落成於季秋良有司為之提倡鄉先生相與維持振刷維新實為創置以來最有價值之興修亦改革

以後最有關係之整頓使一邑人士咸體此意固斯  
文基礎作吾道干城尊孔教以昌明聖學俾釋菜觀  
禮俎且常新鼓篋薦馨鐘簴不改所謂萃已渙之人  
心保將墜之宗教興學校培人才端風化皆於是乎  
基之若徒以金碧煥彩玉柱增輝崇廟貌以壯觀瞻  
則亦淺之乎視我賢司牧矣

尊孔會民國六年春二月創立

尊孔會記

邑人盧殿元

孔子集羣聖大成為萬世師表由秦漢以來無人不

續修鎮番縣志

卷五

學校考

五

在弟子之列亦無人不在此範圍之中尊崇信仰匪伊  
朝夕矣吾邑地處邊陲人文蔚起所恃以化民成俗  
為倫理學之中堅者惟此宗教關係相與網維於不  
敝乃自科舉罷而教育改良一般人民將有廢學主  
義至民國紀元丁祀暫停而淺見士儒且有無教思  
想夫此無學無教不過不開化不文明而已所可慮  
者曲學爭鳴廢吾所謂學而學其所學異教紛乘棄  
吾所謂教而教其所教毀聖之漸開始而冰炭繼而  
操戈終且樹幟以相攻若不急起挽救以端趨向則

離經畔道之害不堪設想吾鄉學紳若而人商會若而人有見於此發起尊孔會崇儒重道聯絡多人商請邑侯周公樹清修聖廟崇孔教無非開通風氣以勵後學時將聖廟扶顛培危煥然一新所謂齊一時之耳目壯萬人之觀瞻皆在於此復有城紳趙汝珙盧蔭棠唐多鰲等恐香火廢墜慨然輸貲共捐錢一百緡發當營息永作文廟香火之需俾一邑士子步亦步趨亦趨入廟而肅然起敬以萃人心當聖教絕續之秋和衷共濟尚能於釋菜重地鼓篋隆規力任

仔肩彌縫而補救之其用心亦良苦矣都人士繼續振興咸曉然於正學標準以道德為基礎以仁義為藩籬不使左道異端窺我堂奧以與尼山宗派共爭優勝吾知經正民興保教即所以保種安見俎豆常新學校弗躋於光明人才不歸於正大後生小子未能藉此為導線以尋墜緒之茫茫也乎

儒學

儒學自民國成立教諭裁設奉祀員署尚仍舊民國五年變置國民學校除尊經閣三楹外餘悉改建講

堂書室奉祀員僦舍以居大門外東西舖房六間年  
獲賃金議作文廟不時之費

### 卧碑

卧碑舊立明倫堂學署改建學校今於講堂內仍舊  
保存

### 開學

開學原始已詳舊志至學堂設立清光緒三十二年  
邑令劉春堂開辦

### 學額

續修鎮番縣志

卷五

學校考

七

吾邑學額在昔科舉時文武生員廩增附及歲貢取  
自歲科兩考原有定額自學堂設立所有招考入校  
畢業升學諸生各因期限班次隨時酌加並無額數  
之規定

### 書院

書院清光緒三十二年改為高等小學堂民國成立  
又改稱高等小學校

### 義學

清道光五年四鄉義學計有五處嗣興廢頻仍遷徙

無常至光緒三十四年均改為初等學堂民國成立  
改稱國民學校

### 文社

崇文社清道光五年實儲銀二千兩整發商生息用  
佐諸生膏火鄉會川資公舉社長二人訂立條件管  
理極屬妥善至同治初變城防餉絀挹彼注茲挪借  
一空光緒初年邑令錢崇基捐廉提倡籌款二千餘  
緡規復舊制十一年邑令汪榘繼續擴充開設文裕  
當遂將書院儲金一併作為固有貲本文社始為之

## 續修鎮番縣志

### 卷五

學校考

八

起色至民國二年清算賬目入不敵出邑令劉啓烈  
商同學紳清釐積欠共得錢四仟千改組公益當年  
提息錢四百八十千東南兩街舖面每年獲賃錢一  
百二十八千學堂經費即以此為源泉焉

### 學堂

學堂之設原以求實學造真才鎮邑風氣初開科學  
漸次發達若能整頓改良由體育智育德育急謀普  
及使士盡知學人皆識字則啓文明興實業人羣進  
化無不以此為導線斯在任學務者咸為注意也丁



學區

鎮番劃分為七區

本城為第一區設高等小學堂一處即北街書院原址清光緒三十二年邑令劉春堂創立民國成立改稱高等小學校四年袁令翼加添教習改建大堂並新修學舍一院附模範學校一處六年周令樹清整飭學務於三堂內東西展拓地址增修溫習齋休息所體操場儲藏室並改造禮堂與傅公祠祠內附設教育會所有風琴樂歌圖畫標本無不隨時購製規

續修鎮番縣志

卷五

學校考

九

模廓張內外嚴肅學堂基礎始形穩固焉遂於四街各設國民學校一處

東鄉為第二區起自清宣統三年陸續設國民學校一十二處

西鄉為第三區龍王廟設高等學校一處學紳盧殿卿安欽曾等於民國五年春捐貲創辦清宣統三年陸續設國民學校一十一處

上大路為第四區蔡旗堡設高等學校一處學紳康志剛楊集秀張崇仁等於民國七年籌捐創辦清宣

統三年陸續設國民學校六處

柳林湖東渠為第五區清宣統三年陸續設國民學校八處

柳林湖中渠為第六區設高等學校一處學紳田毓炳胡興孔黃開科等於民國八年開辦清宣統三年立國民學校一處

柳林湖西外渠為第七區清宣統三年陸續設國民學校六處

學款

續修鎮番縣志

卷五

學校考

十

舊有義租

後改學租

共糧一百二十二石

詳載舊志田賦門儲貯項下

民國五年官紳合商將營田馬湖買入學校公產內年收租糧一百七十石四斗三升九合七勺公益當酌提息錢四百八十千東南兩街舊有文社舖面賃金一百二十八千駝稅現由商務代收每年約有四百餘金悉數充作學費至於款項出入向由闔學管收典史支發令歸縣署督管按年票選收入支出各員各負責任長官隨時監督云

